



Veldeke Krink Venlo

Gaef um óg modertaal, gaef um Veldeke



Juli 2022

Digitale nietsbreef Jaorgank 2022 nummer 1

Veurwäördje

Beste leje en dónneteurs,

Veur 't iers dit jaor weer 'ne nietsbreef. Mit 'ne nietsbreef wille weej as bestuur van Veldeke Krink Venlo ós leje en dónnateurs flot op de huuegte bringe van zake die binne ózze krink speule. Vaerder kint geej netuurlik altied veur alle informatie terech op ós web-site en periodiek beej ózze Kroedwis.

Wandeling Hoeëgekamp 4 september 2022

De beperkende Coronamaatregele ligge gelökkig achter ós. Det beteikent det weej, ouk waat betref ós activiteite, d'n draod weer kinne oppakke. Ein van die activiteite is de "Stadswandeling".

Stadswandeling tösse aanhaolingsteikens umdet de kómmende wandeling neet door de binnestad van Venlo zal gaon, wie Stadswandeling gewoeën zien te doen.

Op 4 september aanstaonde geit 't dan gebeure. Weej gaon dan wandele door 'n stök Venlo gelaege tösse d'n Börgemeister van Rijnsingel (veurhaer d'n Oostsingel) en d'n Hertog Reinoudsingel. Ózze werknaam veur dees wandeling waas *de Stalbergwandeling*, aevel gans officieel wuurt dees wiek Hoeëgekamp geneump. Tja wie zaet d'n Ingelsman? "Whats in a name".

Wie gezag dees wandeling geit plaatsvinde op 4 september aanstaonde. Beejein kómme doen weej dan um 14.00 oor beej Hotel Americain aan de Kólsepoort (taegeneuver 't Limburgs Museum). Nao 'n tas kóffie en 'n stök flaaï loupe weej dan aan. Dees wandeling zal óngevier 1 à 1 1/2 oor deure.

Sikkertariaat: Parkstraat 49, 5911 EM VENLO - E-mail: veldeke.venlo@gmail.com

Bankraeking: NLO4INGB0004298115 - KVK-nr. 40165304 - Anbi: 816453202

Website: www.veldekevenlo.nl



Veldeke Krink Venlo

Gaef um óg modertaal, gaef um Veldeke

As beejdrage in de koste vraoge weej aan ós leje en donnateurs € 5,00 per persoeën. Neet leje / dónnateurs kinne zich ouk opgaeve maar betale dan € 7,50 per persoeën. Aan dees wandeling kinne aevel maar maximaal 40 persoeëne meidoon.

Opgaeve en betale veur dees wandeling kint geej óg via de website: veldekevenlo.nl. As geej óg heb opgegaeve en betaald krieg geej automatisch via de mail 'n bevestiging van deilname.

Laot óg verrasse en vuuel plezeer gewins tiedes dees wandeling.

Wisseling sikkertaris

Nao de letste algemeine lejevergadering haet in 't bestuur ein kleine herverdeiling van take plaatsgevónde.

Ós Anneke van Kleef (sikkertaris) haet eur take euvergedrage aan ós niej bestuurslid Jacques van Daelen.

Veur óg as leje / dónnateurs verandert heej door neet vuuel, inkel 't adres van 't sikkertariaat verandert van Veldzuring 95, 5913 DR Venlo nao Parkstraat 49, 5911 EM Venlo. E-mail adres en bankraekeningnummer blieve 't zelfde.

Prissentatie nao boete

Ouk tiedes de letste Algemeine lejevergadering is aan óg geprissenteed de nije website en 't nije logo van Veldeke Krink Venlo. Dit logo gót geej vanaaf noow truuk zien op alle wieze van prissentatie, zoeëas op ós breekpepeer, deze nietsbreek, de Kroedwis en netuurlik ouk ós website.

Oeuvrepries 2022

Dit jaor kinne weej, as Veldeke Krink Venlo, weer 'nen oeuvrepries oetrike. En waal aan 'nen arties dae det in ós ouge haet verdeend door zien werk wao mit hae – het of zeej - ós taal mier dan 'n werm hert toe druueg c.q. drage.

Wae det dit jaor geit waere is nóg geheim, waal kinne weej zegge det dit jaor intelik dae pries weer mit de Nach van 't Limburgs Leed oetgereik kint waere (haet toch weer te lang gedeurd door det Corona gedeuns).

Cursus Venloos laeze & schrieve

Deze cursus geit kómmend naojaor weer van start en waal op dónderdaag 13 oktober 2022. De letste cursusdaag mit certificaat oetreiking zal dan zien op dónderdaag 15 december 2022. De koste verbónde aan deze cursus zien:

- veur leje / dónnateurs van Veldeke € 50,00 per persoeën
- veur neet leje / dónnateurs van Veldeke € 75,00 per persoeën.

Sikkertariaat: Parkstraat 49, 5911 EM VENLO - E-mail: veldeke.venlo@gmail.com

Bankraekening: NL04INGB0004298115 - KVK-nr. 40165304 - Anbi: 816453202

Website: www.veldekevenlo.nl



Veldeke Krink Venlo

Gaef um óg modertaal, gaef um Veldeke

De cursus wuurt euveriges gehalde beej de Gilde Opleidingen aan de Laaghuissingel in Venlo.

Nao aafloop van de cursus kriege de deilnemers die nog gen lid zien van Veldeke, ein jaor gratis lidmaatschap van Veldeke aangebaoje. Det zal dan zien 't jaor 2023.

Organisatie van activiteite

As bestuur van Veldeke Krink Venlo organisere weej al ós activiteite. Det doon weej gaer en wille weej ouk gaer blieve doon.

As bestuur hebbe weej recentelik afscheid genaome van Diana Vullings en Martin Doesborg. Wie 't noow oetzuut gaon weej op korte termien ouk afschied neme van Wilma Janssen en Anneke van Kleef. En gelökkig hebbe wee ein niej bestuurslid kinne verwelkómme en waal Jacques van Daelen.

Det alles haet ós bestuur tóch waal flink oetgedund, en daomit kump d'r nogal waat drök te staon op 't vaerder (good) kinne organisere van de diverse bestaonde activiteite en aeventueel oetdinke en organisere van nije activiteite.

Weej begriep bes det neet idderein in de rie geit staon veur 'n bestuursfunctie binne Veldeke Krink Venlo, aevel messchiens is d'r ónder de leje waal interesse um mei activiteite te gaon organisere. As bestuur zien weej dan ouk bezig um veur dees activiteite b.v. ein organisatiecommissie in te stelle. Leje die det gaer wille kinne zich dan veur ein of miedere van dees commissies aanmelde.

Vaerder berich heej euver volg zoeë flot meugelik.

Wies de volgende Nietsbreef, en blief allemaol gezónd.

Mit vrintelike kóplemente,

Bestuur Veldeke Venlo.

Sikkertariaat: Parkstraat 49, 5911 EM VENLO - E-mail: veldeke.venlo@gmail.com

Bankraeking: NLO4INGB0004298115 - KVK-nr. 40165304 - Anbi: 816453202

Website: www.veldekevenlo.nl